



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
Žiro račun: 1011010000430716 - Privredna banka Sarajevo
ID: 4200201050000; P.B.: 01078773

Sarajevo, 12.03.2018. godine
Broj: 117/18

SAOPŠTENJE ZA MEDIJE

SVEČANA MANIFESTACIJA
„21. MART - MEĐUNARODNI DAN ŠUMA”
Donji Vakuf, 21. mart 2018. godine

Šume na planeti Zemlji su ugrožene. Gubitak šuma nastavit će se zbog klimatskih promjena unatoč globalnim naporima za smanjenjem ispuštanja u atmosferu plinova sa učinkom staklenika. Šume su danas ugrožene bespravnim sječama, deforestacijom radi dobijanja poljoprivrednog zemljišta, od lošeg gospodarenja, požara, poremećenog režima voda, insekata, glodavaca, bakterija, gljivica, onečišćenja zraka, tla i voda, kiselih kiša i dr.

Prema podacima UN-a, godišnje se uništi oko 13 miliona hektara šume. Oko 20 % emisije stakleničkih plinova u svijetu, prouzrokuju klimatske promjene, koje su izazvane krčenjem šuma. I uprkos svim tim neprocjenjivim ekološkim, sociološkim i ekonomskim dobrobitima, čovjek uništava te iste šume bez kojih ne može živjeti. Krčenje je i dalje ozbiljan problem u cijelom svijetu. Generalna skupština UN-a Rezolucijom broj: A/RES 67/200 od 28.11.2012. godine, proglasila je 21. mart/ožujak - „Međunarodnim danom šuma“, a u cilju podizanja svijesti društva o značaju šuma, unapređenju održivog gospodarenja šumama i njihovoj zaštiti. Tim povodom se na međunarodnom i nacionalnom nivou svih država članica UN-a organizuju brojne aktivnosti, kako bi se široj društvenoj zajednici ukazalo na sve dobrobiti i koristi koje pružaju šumski ekosistemi.

Na “Međunarodni dan šuma” vršeći misiju zaštite šuma od bespravne sječe, 21.03.2017. godine u mjestu Sokolina, Općina Donji Vakuf, prilikom obavljanja službenih dužnosti smrtno su stradali uposlenici Kantonalne uprave za šumarstvo SBK - čuvari šuma, Omer Bašić i Ferid Rahmanović i Ševko Draginović - izvođač radova u šumarstvu, te će se kroz programski sadržaj manifestacije na obilježavanju “Međunarodnog dana šuma”, na prigodan način obilježiti godišnjica stradanja navedenih uposlenika i skrenuti pažnja vlastima i javnosti da se poduzmu odgovarajuće mjere i aktivnosti da se stradanje navedenih čuvara šuma nikad ne ponovi..

Udruženje inženjera i tehničara šumarstva Federacije Bosne i Hercegovine (UŠIT FBiH), već duži niz godina na dan 21.mart/ožujak kao prvi dan proljeća, a od 2013. godine i kao “Međunarodni dan šuma”, tradicionalno organizuje Redovnu godišnju Skupštinu Udruženja, a odvijanje iste se praktikuje u nekom od kantona unutar Federacije BiH, te su organizacijska tijela Udruženja uvažavajući sve prednje navedeno, donijela Odluku da se XVIII. Redovna godišnja Skupština UŠIT-a FBiH za 2018. godinu, održi u Donjem Vakufu, kao sastavni dio manifestacije posvećene obilježavanju “Međunarodnog dana šuma - 2018.”



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
Žiro račun: 1011010000430716 - Privredna banka Sarajevo
ID: 4200201050000; P.B.: 01078773

U okviru obilježavanja „Međunarodnog dana šuma – 2018.“ u Bosni i Hercegovini, pod motom „Šume i održivi gradovi - Učinimo naše gradove zelenijim, zdravijim i sretnijim mjestima za život“ u Donjem Vakufu će dana 21. marta 2018. godine (srijeda) u organizaciji Udruženja inženjera i tehničara šumarstva Federacije Bosne i Hercegovine (UŠIT FBiH), Ministarstva, poljoprivrede, vodoprivrede i šumarstva Srednjobosanskog kantona – Kantonalne uprave za šumarstvo, ŠPD/ŠGD „Srednjobosanske šume/Šume Središnje Bosne“ d.o.o. Donji Vakuf i Općine Donji Vakuf, biti održana svečana manifestacija pod nazivom:

“Centralna manifestacija za obilježavanje Međunarodnog dana šuma – 2018.” za Federaciju Bosne i Hercegovine.

Manifestacija je podijeljena u tri dijela, i to:

1. Svečana sadnja prigodnog sadnog materijala-pošumljavanje.
2. Svečani dio manifestacije – „Međunarodni dan šuma – 2018.“
3. Radni dio manifestacije – “XVIII. Redovna Skupština Udruženja inženjera i tehničara šumarstva Federacije Bosne i Hercegovine”.

Manifestacija će se odvijati prema slijedećem rasporedu:

- 8:00-10:00 – Svečana sadnja (park Općine Donji Vakuf i odjel 80. Gospodarska jedinica Prusačka Rijeka - lokalitet Semešnica - Ruska pilana, Općina Donji Vakuf);
- 11:00-12:30 – Svečana manifestacija (Dom kulture-Općina Donji Vakuf);
- 12:30-13:30 – Kafe pauza (Direkcija ŠPD/ŠGD „Srednjobosanske šume/Šume Središnje Bosne“ Donji Vakuf);
- 13:30- 16:00 – Radni dio manifestacije (Dom culture - Općina Donji Vakuf).

Svečanu sadnju - 10:00 sati (park Općine Donji Vakuf), kao trajno sjećanje na održavanje ove manifestacije i sjećanje na stradale kolege iz SBK, izvršit će:

- predstavnici porodica stradalih kolega,
- predstavnici Generalne direkcije za šumarstvo Republike Turske i drugi gosti iz Republike Turske,
- prof.dr.sc. Ahmet Lojo – profesor na Šumarskom fakultetu Univerziteta u Sarajevu i predsjednik UŠIT FBiH sa saradnicima,
- Refik Hodžić dipl.ing.šum. - predsjednik Skupštine UŠIT FBiH,
- Salkan Merdžanić - ministar Ministarstva poljoprivrede, vodoprivrede i šumarstva SBK,
- Vildan Hajić, dipl.ing.maš. - direktor ŠPD/ŠGD „Srednjobosanske šume/Šume Središnje Bosne“ d.o.o. Donji Vakuf,
- Ševal Konjalić - direktor Kantonalne uprave za šumarstvo SBK i
- Huso Sušić - načelnik Općine Donji Vakuf.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
Žiro račun: 1011010000430716 - Privredna banka Sarajevo
ID: 4200201050000; P.B.: 01078773

Pošumljavanje - 8:00-10:00 (odjel 80. GJ Prusačka Rijeka - lokalitet Semešnica-Ruska pilana, Općina Donji Vakuf) će izvršiti svi ostali učesnici manifestacije.

U toku manifestacije, nakon održanih pozdravnih riječi, prisutnima će od strane prof.dr.sc. Ahmeta Loje biti prezentiran stručni referat u vezi sa aktuelnim stanjem i perspektivama šuma i šumarstva. Nakon toga, uslijedit će dodjela priznanja-posthumno stradalim kolegama, a po Odluci Skupštine Udruženja, te priznanja po istoj ostalim odlikovanim kolegama i institucijama iz Bosne i Hercegovine i Republike Turske. Po okončanju navedenog, uslijedit će prezentacija i promocija najnovije naučno-stručne literature, publikacija i časopisa.

Izjave za medije sa porukama upućenima javnosti sa ovoga skupa moći će se dobiti od osoba koje će izvršiti svečanu sadnju, neposredno nakon obavljenog čina sadnje, a izjave u vezi sa samom organizacijom svečane manifestacije mogu se dobiti od predstavnika organizatora iste, u toku i nakon održane svečanosti i to: prof.dr. Ahmet Lojo – profesor na Šumarskom fakultetu Univerziteta u Sarajevu i predsjednik UŠIT FBiH, Refik Hodžić, dipl.ing.sum. - predjednik Skupštine UŠIT FBiH, Salkan Merdžanić - Ministar poljoprivrede, vodoprivrede i šumarstva SBK, Vildan Hajić - direktor ŠPD/ŠGD „Srednjobosanske šume/Šume Središnje Bosne“ d.o.o. Donji Vakuf, Huso Sušić - načelnik Općine Donji Vakuf i Ševal Konjalić - direktor Kantonalne uprave za šumarstvo SBK.

*Udruženje inženjera i tehničara šumarstva
Federacije Bosne i Hercegovine*

- Naslovu
- a/a